

PILEMON

Pepa Paulo ingere pa Pilemon

Pilemon nde kalo-tawana tamâta tonje imo Kolosi lawea. Muŋga, tamâta tonje, i ŋa tu Onesimus, imo Pilemon ne wurâta tamâta kaa nâ, andeta Onesimus ipanawe Pilemon ne mbumbu pinde ku ikâwa ilâ pa Rom lawea. Njineŋga iloŋo Paulo itula pâri ara ŋana Yesu Kirisi kâ, ku ipalele ilo kalo ipâŋga kalo-tawana tamâta. Kala njine Paulo io Onesimus itaulo pa ne tamâta ŋalae Pilemon kilo. Paulo ilo tu Pilemon ma ikai Onesimus taulo itogo ninambwe mao mine, kala ingere ŋgua njine papa ipai tu Onesimus ipâŋga tamâta ara ndo.

¹ Naŋa Paulo, naŋani amo luma sakamao ilo ŋana nanenŋu wurâta uru aveta pa Yesu Kirisi kâ. Naŋa amo taitu kuku ninda-nambwe Timoti, kala maka rua kaŋgere ŋgua lâ pepa njine tini imâ pa noko, Pilemon. Maka nima-nambwe ara kala noko, aku nenda wurâta taitu.

² Aku maka rua kaŋgere ŋgua lâ pepa njine tini imâ pa kalo-tawana taine ara Apia tona, aku imâ pa Arkipus mine nâ, ina uru imandi kaika ŋana iveta wurâta pa Maro Kindeni kâ, itogo kinda mine. Aku nema ŋgua njine imâ panzi kalo-tawana tamâta uru sipasau lâ noko ne luma tona.

³ Tamânda Maro Kindeni kuku nenda Maro Njalae Yesu Kirisi rua nenzi wisi-wisi wa wisi-pisi wa imâ pami.

Paulo indeka nana Pilemon ne vetâna ara kâ

⁴ Nana uru akai nona pa nanenğu Maro Kindeni ikura zo zo, aku lâ nanenğu nona ninde rârâni nana kalonğu ngere nanano ku kawânğu ndanđe pa Maro Kindeni kâ,

⁵ nana tu kinzi tamâta uru situ noko parina tu noko kalo tawana Maro Njalae Yesu Kirisi sondo, aku uru tini mwasa ndo panzi kalo-tawana tamâta rârâni tava.

⁶ Noko wa maka wa uru tao ilonda lâ taitu ku kalonda tawana Yesu Kirisi nâ. Mao nâ, kinda tapaipa kuku Yesu Kirisi lâ, aku nana ano pa Maro Kindeni tu ma iveta nenda ilo-kalo ipânğa ara ndo, nana ma tasama sondo nana vetâna ara rârâni Maro Kindeni uru iveta pa kinda.

⁷ Ningu-nambwe, nana asama tu noko uru tini mwasa panzi kalo-tawana tamâta ndoni, aku noko ne vetâna ninde uru ipu tini kaika pa ilonzi kalonzi. Mine kala nana ilonğu ndeka njalae ninde, aku wisinğu ara nâ.

Ara nana Pilemon ma ikai Onesimus taulo imâ itogo ninambwe mine

⁸ Kinda rua kalonda tawana Yesu Kirisi, kala nana amo noko ninambwe sondo. Mine kala, ambo nana ilonğu tu aporo nğua kaika pano tu ma kuveta vetâna ara tonđe, ande nana akura tu aporo nğua mine.

⁹ Andeta nana ilonğu tu aporo nğua kaika mine pano, ande tia. Kinda rua uru tininda mwasa panzi tininda pinde, kala ilonğu tu aporo nğua mwasa nâ pano tu kulonjo. Nana Paulo, nana nğa konja lâ, andeta kala nğine amo luma

sakamao ilo ɲana wurâta ɲine uru aveta pa Yesu Kirisi kâ.

¹⁰ Naɲani ano pano tu ma kuveta kie ara papa naɲa natuŋgu Onesimus. I muŋga ikalele naɲa lâ luma sakamao ilo. Aku naɲa avila i ɲana ne kalo-tawana kâ, kala aporo tu i imo itogo naɲa natuŋgu mao mine.

¹¹ I muŋga iveta wurâta pa noko, ambo taitu iveta wurâta ara tia. Andeta lâ zo ɲine, ande ikura tu ikai kuleɲa ara pa noko wa naɲa wa.

¹² Kala ɲine naɲa ao i itaulo imâ pano. Naɲa ilonɲu ndo ikeno pa i.

¹³ Naɲa ilonɲu tu asilikana i imo kuku naɲa nâ, ɲana i ma ikura tu ikai noko tamwata nia ɲana ivila naɲa kâ, lâ zo ɲine amo luma sakamao ilo ɲana nanenɲu wurâta ɲana atula pâri ara kâ.

¹⁴ Andeta naɲa ilonɲu tu noko ma kusâu papa ɲgua ɲine muŋga lâ ɲga. Mine kala naɲa ma asilikana i, ande tia. Naɲa tiningu pwâka tu aporo pano ɲana kuveta vetâɲa tonɲe kâ; naɲa ilonɲu tu ambo noko kutu kuveta vetâɲa ara ɲana kuvila naɲa kâ, ande ara ɲana noko ma kuveta mine lâ noko tamwata nâ ne tini-mwasa.

¹⁵ Mao nâ, Onesimus muŋga imo malawae ɲanano ikura lâ zo mbwana-mbwana nâ. Andeta naɲa ilonɲu pateo tu vetâɲa ɲine ipâŋga ɲana duvi mine; ɲine ikai nzâla piti papa i ɲana muli ma imo ku noko kilo, ku ma ikai wurâta pano ikura zo rârâni.

¹⁶ Aku lâ zo muli ɲinde, ande noko ma kumora i tu imo wurâta tamâta nâ, mine ndimo. Mao nâ, i ma imo noko ne wurâta tamâta ɲana ikai

kuleŋa pano kilo; andeta naŋa ilonġu tu noko ma kumora i tu imo noko ninambwe kalo-tawana tamâta tona, aku ilonġu tu noko ma tini mwasa ndo papa i. Naŋa warakâŋgu uru amora i togo niŋgu-nambwe mine, aku tiniŋgu mwasa nâ papa. Andeta naŋa ilonġu tu noko tamwata ma tini mwasa ndo papa i, ŋana tu ikai kuleŋa pano, aku i ne kalo-tawana ikeno pa Maro Ŋalae, itogo noko ne kalo-tawana mine.

¹⁷ Mine kala, ambo noko kumora naŋa togo noko ne wurâta taitu ŋana Yesu Kirisi kâ, ande ara, noko ma kuveta vetâŋa kie taituni pa Onesimus, itogo uru kuveta pa naŋa mine.

¹⁸ Ambo i muŋga iveta kie soki pinde pano tâ, kala noko ne mbuku keno papa i, ande ara, pwai noko ne mbuku piti lâ i tini, aku kuo lâ naŋa warakâŋgu tiniŋgu.

¹⁹ Naŋa Paulo aŋgere ŋgua ŋine lâ warakâŋgu mbaunġu, aku naŋa warakâŋgu ma akatu mbuku ŋine pano. Naŋa akura tu aporo pano tu, “Nanenġu mbuku keno pano”, ŋana tu naŋa muŋga atula pâri ara pano, kala noko pwai via mao lâ Yesu Kirisi mbalau. Andeta naŋa ilonġu tu aporo ŋgua mine pano, ande tia.

²⁰ Niŋgu-nambwe, kulonġo ŋga; naŋa ilonġu tu noko ma kuveta kie ara mine pa naŋa. Kinda kalonda tawana Yesu Kirisi, aku ŋana ŋine kâ kinda tamo nambwe nambwe. Mine kala, ambo noko ma kuveta vetâŋa ŋine, ande naŋa ma ilonġu ara ndo.

²¹ Naŋa ao pepa ŋine imâ pano, aku asama tu noko ma kuveta ikura nanenġu ŋgua ŋine. Aku asama tu vetâŋa ndia noko ma kuveta pa

Onesimus njinde, ande ma ipole vetâña kala ano pano tu kuveta papa njine.

²² Aku njine naña atu aporo nanengu ngua tonje kilo pano. Naña ao tiningu nana Maro Kindeni tu ma ipaloño pa nemi noña ku ma ivilana nana ataulo amâ pami kilo. Mine nde ara nana noko ma kuveta ne luma ilo kisiña pwataki tonje sondo papa naña tu ma akeno ilo.

Paulo nuwala nenzi wurâta taitu kawanzi kari ara pa Pilemon

²³ Epafras kawa kari ara pano. Inani kala imo luma sakamao ilo kuku naña, nana wurâta maka kaveta pa Yesu Kirisi kâ.

²⁴ Anğa Malaka, anğa Aristarkus, anğa Demas, anğa Luka, kinzi kala kawanzi kari ara pano. Kinda nenda wurâta taitu kala kinzini.

²⁵ Maro Njalae Yesu Kirisi ne wisi-wisi imo kumi.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 28 Dec 2024 from source files dated 31 Aug 2023

b3b81168-89df-5bc3-8b0c-cf72ef93d3de